

قصيدة موجعة : ارجع وماتجيبش الفانوس



الاثنين 16 يونيو 2014 12:06 م

نافذة مصر

جبت الفانوس لأبنيك خلاص إرتاح ونام؟؟

علقتوا زينه في الشوارع وفـ شبابيك الجيران؟؟

جبت البلح .. جبت الزبيب .. خزنت أكلك والعصاير والأمور صبحت تمام؟

عيني عليك يابن الشهيد والمعتقل !

كل العيال ماسكه فوانيس الأمل ..

وانت الأمل عندك تشوف تربة أبوك .. أو وشه من بره السلوك

نفسك ف حضن تقوله فيه كل الكلام ..

نفسك تقوله هات فلوس أو وانت راجع هات فانوس ..

نفسك تقول .. خذني ف ايدك للقيام .. علمني إيه فقه الصيام ..

طيب بلاش ..

ارجع وماتجيبش الفانوس .. وإيدي لسجانك فلوس

كل الفلوس

وارجع عشان من يوم ما سبت البيت .. وانا مبقيتش انام